



# SLUŽBENE NOVINE

## KANTONA SARAJEVO

Godina XIX – Broj 22

Četvrtak, 5. juni 2014. godine  
SARAJEVO

ISSN 1512-7052

### KANTON SARAJEVO

#### Skupština Kantona Sarajevo

Na osnovu čl. 13.b. i 18.b. Ustava Kantona Sarajevo ("Službene novine Kantona Sarajevo", br. 1/96, 2/96, 3/96, 16/97, 14/00, 4/01, 28/04, 31/04 i 16/13), člana 63. stav 3. Zakona o zdravstvenoj zaštiti ("Službene novine Federacije BiH", br. 46/10 i 75/13), člana 5. stav 1. Odluke o preuzimanju prava i obaveza osnivača i usklađivanju organizacije i poslovanja Javne ustanove Opća bolnica "Prim. dr. Abdulah Nakaš" ("Službene novine Kantona Sarajevo", broj 7/12) i člana 170. Poslovnika Skupštine Kantona Sarajevo ("Službene novine Kantona Sarajevo", br. 41/12 - Drugi novi prečišćeni tekst, 15/13 i 47/13), Skupština Kantona Sarajevo, na sjednici održanoj dana 21.05.2014. godine, donijela je

#### ODLUKU

#### O DAVANJU SAGLASNOSTI NA STATUT JU OPĆA BOLNICA "PRIM. DR. ABDULAH NAKAŠ"

##### I

Daje se saglasnost na Statut JU Opća bolnica "Prim. dr. Abdulah Nakaš", broj 190-1/14 od 23.01.2014. godine, koji je sastavni dio ove Odluke.

##### II

Ova Odluka stupa na snagu danom donošenja, a objavit će se u "Službenim novinama Kantona Sarajevo".

Broj 01-05-17041/14  
21. maja 2014. godine  
Sarajevo

Predsjedavajuća  
Skupštine Kantona Sarajevo  
Prof. dr. **Mirjana Marić**, s. r.

Na osnovu člana 63. i člana 65. stav 1. alineja 1. Zakona o zdravstvenoj zaštiti ("Službene novine Federacije BiH", br. 46/10 i 75/13)", člana 5. stav 1. i člana 23. Odluke o preuzimanju prava i obaveza osnivača i usklađivanju organizacije i poslovanja Javne ustanove Opća bolnica "Prim. dr. Abdulah Nakaš" ("Službene novine Kantona Sarajevo" broj 7/12), Upravni odbor Javne ustanove Opća bolnica "Prim. dr. Abdulah Nakaš" na sjednici održanoj dana 09.12.2013. godine, donosi

### STATUT

#### JAVNE USTANOVE OPĆA BOLNICA "PRIM. DR. ABDULAH NAKAŠ"

#### I OPĆE ODREDBE

##### Član 1.

(Opći principi)

- (1) Statut je osnovni opći akt Javne ustanove Opća bolnica "Prim. dr. Abdulah Nakaš" (u daljem tekstu: Opća bolnica) kojim se uređuju osnovna pitanja za rad Opće bolnice i to: naziv i sjedište Osnivača, naziv i sjedište Opće bolnice, djelatnost Opće bolnice, statusne promjene, unutrašnja organizacija, prava i obaveze Opće bolnice, odgovornost i obaveze Opće bolnice prema Osnivaču, zakup, sredstva rada, prihodi i rashodi, odgovornost za rezultate rada, imenovanje organa upravljanja, rukovođenja i drugih organa, stručni organi Opće bolnice, način ostvarivanja rada Opće bolnice, akti Opće bolnice, ostvarivanje prava, obaveza i odgovornosti zaposlenika Opće bolnice, nadzor, javnost rada i druga pitanja vezana za obavljanje djelatnosti Opće bolnice, za rad i poslovanje Opće bolnice.

##### Član 2.

(Osnivač)

- (1) Skupština Kantona Sarajevo (u daljem tekstu: Osnivač) je Osnivač Opće bolnice na osnovu Odluke o preuzimanju prava i obaveza osnivača i usklađivanju organizacije i poslovanja Javne ustanove Opća bolnica "Prim. dr. Abdulah Nakaš" ("Službene novine Kantona Sarajevo", broj 7/12).
- (2) Odlukom iz stava 1. ovog člana Opća bolnica je osnovana za pružanje usluga specijalističko-konsultativne i bolničke zdravstvene zaštite na sekundarnom i tercijarnom nivou, a u skladu sa članom 98. stav 2. Zakona o zdravstvenoj zaštiti.
- (3) Sjedište Osnivača je u Sarajevu, ulica Reisa Džemaludina Čauševića broj 1.

##### Član 3.

(Naziv i sjedište)

- (1) Opća bolnica posluje pod nazivom Javna ustanova Opća bolnica "Prim. dr. Abdulah Nakaš".
- (2) Sjedište Opće bolnice je u Sarajevu, ulica Silvija Strahimira Kranjčevića broj 12.

##### Član 4.

(Znak)

- (1) Znak Opće bolnice se sastoji od modifikovanog izgleda centralne zgrade bolnice kao njenog najprepoznatljivijeg



- bloka, a što je izraženo putem rasterskih vrijednosti koje simbolično predstavljaju prozore i spratove zgrade.
- (2) Tipografija je sačinjena od dva pisma - ime bolnice "Abdulah Nakaš" ispisano je fontom Future xbik BT, a "Opća bolnica" fontom Frutiger Lynotype.
  - (3) Natpis sa imenom bolnice "Abdulah Nakaš" je uvijek veći za 1,36 puta od natpisa "Opća bolnica" bez obzira kolika je ukupna dimenzija loga.
  - (4) Standardne boje su crvena (C:O, M:100, K:20) za tipografiju i modifikovan izgled centralne zgrade i bijela koja služi kao podloga.

Član 5.

(Pečat i štambilj)

- (1) Opća bolnica ima svoj pečat i štambilj.
- (2) Pečat Opće bolnice je okruglog oblika, promjera 50 mm i sastoji se iz 3 (tri) koncentrična kruga. U prvom koncentričnom krugu sadrži tekst: "Bosna i Hercegovina - Federacija Bosne i Hercegovine", u drugom koncentričnom krugu tekst: "Kanton Sarajevo" ispisanim velikim slovima i u trećem koncentričnom krugu tekst: "Javna ustanova Opća bolnica "Prim. dr Abdulah Nakaš" Sarajevo".
- (3) Tekst pečata ispisuje se istovremeno latinicom i ćirilicom (u skladu sa Zakonom o pečatu Kantona Sarajevo ("Službene novine Kantona Sarajevo", br. 9/09, 8/01, 16/03, 39/03)").
- (4) Štambilj Opće bolnice je pravougaonog oblika, promjera 50x20 mm u kome je u gornjem dijelu upisan tekst Javna ustanova Opća bolnica "Prim. dr Abdulah Nakaš", a ispod teksta su upisani podaci utvrđeni propisima o kancelarijskom poslovanju.
- (5) Uputstvo o pečatima i štambiljima Javne ustanove Opća bolnica "Prim. dr Abdulah Nakaš" donosi direktor Opće bolnice.

Član 6.

(Status pravnog lica)

- (1) Opća bolnica ima svojstvo pravnog lica.
- (2) Opća bolnica je upisana u sudski registar pod matičnim registarskim brojem 1-11500 kod Općinskog suda Sarajevo.
- (3) Opća bolnica se upisuje u poseban registar ustanova, koji vodi nadležni organ uprave za ustanove koje obavljaju zdravstvenu djelatnost i tim upisom stiču zakonom utvrđena prava.

II PRAVA, OBAVEZE I ODGOVORNOSTI OPĆE BOLNICE  
PREMA OSNIVAČU

Član 7.

(Prava i obaveze Opće bolnice)

- (1) Opća bolnica zadržava objekte i opremu na korištenje, zaposlenike odnosno sva prava i obaveze Opće bolnice.
- (2) Objekti i oprema iz stava 1. su svojina Osnivača.
- (3) Opća bolnica odnosno Osnivač ne može raspolagati državnom imovinom nad kojom Opća bolnica ostvaruje pravo korištenja u skladu sa propisima o zabrani korištenja državnom imovinom i to do zakonskog regulisanja ove oblasti.
- (4) Međusobna prava i obaveze između Opće bolnice i Osnivača utvrđena su Federalnim zakonom, Zakonom o ustanovama ("Službeni list RBiH", br. 6/92, 8/93 i 13/94) i Odlukom o preuzimanju prava i obaveza Osnivača i uskladjivanju organizacije i poslovanja Javne ustanove Opća bolnica "Prim. dr Abdulah Nakaš" ("Službene novine Kantona Sarajevo broj 7/12)".
- (5) Prava i obaveze između Opće bolnice i Osnivača koja nisu regulisana Odlukom o preuzimanju prava i obaveza Osnivača i uskladjivanju organizacije i poslovanja Opće bolnice iz stava 3. ovog člana, uredit će se posebnim ugovorom.

Član 8.

(Odgovornost i obaveze prema Osnivaču)

- (1) Opća bolnica je odgovorna Osnivaču za rezultate svog rada i djelovanja u svim oblastima za koje je nadležna.
- (2) Obaveze Opće bolnice prema Osnivaču su:
  - a) Da pribavi saglasnost Osnivača kod svih statusnih promjena Opće bolnice,

- b) Da pribavi saglasnost Osnivača kod donošenja Statuta Opće bolnice,
  - c) Da pribavi saglasnost Osnivača kod donošenja godišnjeg programa rada sa finansijskim planom,
  - d) Da najmanje jednom godišnje podnosi Osnivaču izvještaj o radu i finansijskom poslovanju Opće bolnice koji sadrži: izvještaj o izvršenju godišnjeg programa rada, izvještaj o finansijskom poslovanju, izvještaj o radu Upravnog odbora, izvještaj o radu direktora i izvještaj o radu Nadzornog odbora,
  - e) Da pribavi saglasnost Ministarstva zdravstva kod donošenja Pravilnika o radu, unutrašnjoj organizaciji i sistematizaciji radnih mjesta,
  - f) Druge obaveze utvrđene zakonom.
- (3) Opća bolnica je odgovorna za svoje obaveze imovinom kojom raspolaže.
  - (4) Osnivač je subsidiarno odgovoran za obaveze Opće bolnice do visine osnivačkog uloga.

Član 9.

(Sredstva rada)

- (1) Sredstva za rad i razvoj Opća bolnica ostvaruje:
  - a) Ugovorom sa Zavodom zdravstvenog osiguranja Kantona Sarajevo,
  - b) Ugovorom sa Zavodom zdravstvenog osiguranja i reosiguranja Federacije Bosne i Hercegovine,
  - c) Ugovorom sa Ministarstvom zdravstva Kantona Sarajevo,
  - d) Ugovorom sa fakultetima i drugim visokim školama zdravstvenog usmjerenja,
  - e) Ugovorom na osnovu proširenog i dobrovoljnog zdravstvenog osiguranja,
  - f) Iz sredstava Osnivača,
  - g) Iz sredstava budžeta Federacije, Kantona, odnosno jedinica lokalne samouprave,
  - h) Iz učešća korisnika zdravstvene zaštite u pokriću dijela ili ukupnih troškova zdravstvene zaštite,
  - i) Slobodnom prodajom usluga na tržištu,
  - j) Od pravnih i fizičkih lica na temelju ugovora koji regulišu međusobna prava i obaveze,
  - k) Iz drugih izvora na način i pod uslovima određenim Zakonom, aktom o osnivanju i ovim Statutom.
- (2) Raspodjela sredstava za rad i razvoj Opće bolnice vrši se u skladu sa Zakonom ili drugim propisima.

Član 10.

(Prihodi)

- (1) Ukoliko Opća bolnica po godišnjem obračunu poslovanja iskaže dobit (višak prihoda nad rashodima) ostvareni iznos usmjerava za obnavljanje i razvoj djelatnosti Opće bolnice.
- (2) Pod razvojem djelatnosti u smislu stava 1. ovog člana podrazumijeva se ulaganje sredstava u nabavku opreme odnosno rekonstrukciju postojećeg prostora za potrebe uvođenja novih metoda rada.
- (3) Ostvarena dobit će se usmjeriti za pokriće gubitaka iz prethodnih godina i za formiranje rezervi.

Član 11.


(Rashodi)

- (1) Ukoliko Opća bolnica po godišnjem obračunu poslova iskaže gubitak (višak rashoda nad приходima) gubitak se mora pokriti iz prethodno formiranih rezervi, akumulirane dobiti Opće bolnice, sredstava Osnivača i na drugi način predviđen Zakonom.
- (2) Gubitak iskazan u tekućoj godini se knjiži u skladu sa Međunarodnim računovodstvenim standardima i ovim Statutom.
- (3) Pokriće gubitka će se utvrditi posebnom odlukom Upravnog odbora.

Član 12.

(Odgovornost za rezultate rada)

- (1) Opća bolnica je odgovorna za svoje obaveze imovinom kojom raspolaže - potpuna odgovornost.



(2) Osnivač Opće bolnice je subsidiarno odgovoran za obaveze Opće bolnice do visine osnivačkog uloga.

### III DJELATNOST

#### Član 13. (Djelatnost)

- (1) Djelatnost Opće bolnice je pružanje usluga specijalističko-konsultativne i bolničke zdravstvene zaštite na sekundarnom i tercijarnom nivou, u skladu sa članom 98. stav 2. Zakona o zdravstvenoj zaštiti, na području Kantona Sarajevo i obuhvata: dijagnostiku, liječenje, medicinsku rehabilitaciju, zdravstvenu njegu bolesnika, osiguranje boravka i prehrane bolesnika.
- (2) U okviru djelatnosti iz stava 1. ovog člana Opća bolnica ima ukupno 330 bolničkih postelja, raspoređenih na jedinice - bolnička odjeljenja i to:
  - a) Interna medicina . . . . . 60 postelja
  - b) Neuropsihijatrija . . . . . 20 postelja
  - c) Fizikalna medicina i rehabilitacija . . . . . 30 postelja
  - d) Ginekologija sa akušerstvom . . . . . 60 postelja
  - e) Intenzivna njega i terapija . . . . . 20 postelja
  - f) Hirurgija . . . . . 140 postelja
    - opća hirurgija . . . . . 45 postelja
    - plastična hirurgija . . . . . 10 postelja
    - ortopedija . . . . . 35 postelja
    - urologija . . . . . 10 postelja
    - otorinolaringologija . . . . . 20 postelja
    - oftalmologija . . . . . 20 postelja
- (3) Pored bolničkih odjeljenja iz stava 2. ovog člana, Opća bolnica ima i jedinice za:
  - a) laboratorijsku dijagnostiku
  - b) radiološku dijagnostiku i nuklearnu medicinu
  - c) snabdijevanje lijekovima i medicinskim proizvodima - bolničku apoteku
  - d) specijalističko konsultativnu djelatnost
  - e) urgentno zbrinjavanje
  - f) transfuziološku djelatnost
  - g) anesteziju i reanimaciju
  - h) patologiju
  - i) citološku, mikrobiološku i biohemijsku dijagnostiku i
  - j) mrtvačnicu
- (4) U skladu sa Odlukom o klasifikaciji djelatnosti Bosne i Hercegovine 2010. ("Službeni glasnik BiH", broj 47/10)" djelatnost Opće bolnice obuhvata sljedeće razrede:
  - 86.10 Djelatnost bolnice
  - 86.22 Djelatnost specijalističke medicinske prakse
  - 86.90 Ostale djelatnosti zdravstvene prakse
  - 21.20 Proizvodnja farmaceutskih preparata
  - 38.22 Obrada i odlaganje opasnog otpada
  - 63.11 Obrada podataka

#### Član 14.

(Statusne promjene i promjene djelatnosti)

- (1) Opća bolnica ne može vršiti statusne promjene (promjena naziva, sjedišta i druge promjene utvrđene Zakonom) bez saglasnosti Osnivača.
- (2) Promjenu ili proširenje djelatnosti Opća bolnica ne može obaviti bez saglasnosti Ministra zdravstva Kantona Sarajevo koja se daje u formi rješenja, a na način i u postupku propisanim Federalnim Zakonom. Inicijativu za statusne promjene donosi Upravni odbor.

#### Član 15.

(Zakup)

- (1) Opća bolnica može dio svojih zdravstvenih i nezdravstvenih kapaciteta (prostor i oprema) izdati u zakup, ukoliko to ne remeti obavljanje djelatnosti Opće bolnice.
- (2) Upravni odbor Opće bolnice svake kalendarske godine utvrđuje višak zdravstvenog i nezdravstvenog prostora donošenjem odluke, a uz prethodno pribavljeno pozitivno mišljenje Federalnog ministarstva zdravstva.
- (3) Nakon pribavljenog pozitivnog mišljenja Federalnog ministra i odluke Upravnog odbora, direktor Opće bolnice raspisuje javni oglas za prikupljanje ponuda za davanje u zakup jedinica

zakup u skladu sa Zakonom o zdravstvenoj zaštiti i Zakonom o javnim nabavkama BiH.

### IV UNUTRAŠNJA ORGANIZACIJA

#### Član 16.

(Unutrašnja organizacija)

- (1) Opća bolnica obavlja poslove iz svoje djelatnosti u sljedećim organizacionim jedinicama:
  1. Kabinet direktora
  2. Medicinski poslovi
  3. Nemedicinski poslovi

#### Član 17.

- (1) Djelokrug rada organizacionih jedinica Opće bolnice odnosno unutrašnja organizacija uređuje se Pravilnikom o unutrašnjoj organizaciji i sistematizaciji radnih mjesta.
- (2) Organizacione jedinice unutar Opće bolnice nemaju svojstvo pravnog lica i ne mogu obavljati poslove u pravnom prometu.
- (3) Organizacionim jedinicama rukovode šefovi organizacionih jedinica.

### V ORGANI UPRAVLJANJA, RUKOVOĐENJA I DRUGI ORGANI

#### Član 18.


(Upravni odbor)

- (1) Organ upravljanja u Općoj bolnici je Upravni odbor.
- (2) Upravni odbor ima 5 (pet) članova i čine ga predstavnici:
  - a) Osnivača - 3 (tri) člana, od kojih jedan mora biti ispred Ministarstva zdravstva Kantona Sarajevo,
  - b) Stručnih radnika Opće bolnice - 2 (dva) člana, od kojih jedan mora biti iz reda zdravstvenih radnika
- (3) Predsjednika i članove Upravnog odbora Opće bolnice imenuje i razrješava Vlada Kantona Sarajevo na prijedlog Ministra, uz ravnopravnu zastupljenost oba spola, na način i u skladu sa Zakonom.
- (4) Mandat predsjednika i članova Upravnog odbora traje 4 (četiri) godine i mogu biti ponovo imenovani.
- (5) Predsjednik i članovi Upravnog odbora Opće bolnice imenuju se u proceduri u skladu sa Zakonom o ministarskim, vladinim i drugim imenovanjima Federacije BiH ("Službene novine Federacije BiH", br. 12/03, 34/03 i 65/13)".
- (6) Način izbora, opoziva i mandat predsjednika i članova Upravnog odbora Opće bolnice, vrši se u skladu sa Zakonom o ustanovama ("Službeni list R BiH" broj 6/92, 8/93 i 13/94).
- (7) Predsjednik i članovi Upravnog odbora Opće bolnice dužni su potpisati izjavu o nepostojanju sukoba interesa prije preuzimanja funkcije.

#### Član 19.

(Razrješenje predsjednika i članova Upravnog odbora)

- (1) Predsjednik i članovi Upravnog odbora mogu biti razrješeni i prije isteka mandata na koji su imenovani u skladu sa propisima o ustanovama i ovim Statutom.
- (2) Vlada Kantona Sarajevo će razriješiti predsjednika, člana odnosno članove Upravnog odbora i prije isteka vremena za koje su imenovani.
  - a) na njegov lični zahtjev,
  - b) ako se utvrdi da je odgovoran za neuspješan ili nezakonit rad Opće bolnice,
  - c) ukoliko ne izvršava svoje Zakonom, Statutom, odnosno drugim općim aktom utvrđene obaveze, ili ne izvršava odluke Osnivača ili postupa u suprotnosti sa njima,
  - d) u slučaju da Skupština Kantona Sarajevo ne usvoji godišnji izvještaj o radu i finansijskom poslovanju Bolnice
  - e) ako članu Upravnog odbora koji je imenovan iz reda zdravstvenih radnika Javne ustanove Opća bolnica "Prim. dr Abdulah Nakaš", odnosno predstavniku Ministarstva zdravstva Kantona Sarajevo, prestane radni odnos u ustanovi, odnosno u Ministarstvu zdravstva Kantona Sarajevo,
  - f) ako nesavjesno, odnosno nemarno obavlja poslove iz nadležnosti predsjednika ili člana Upravnog odbora,
  - g) u drugim slučajevima utvrđenim zakonom i Statutom.



- (3) U slučaju da dođe do prijevremenog razrješenja Upravnog odbora, Vlada Kantona Sarajevo će istovremeno imenovati v.d. predsjednika i v.d. članove Upravnog odbora na kraći period, najviše dva mjeseca, dok se ne provede zakonska procedura imenovanja.

Član 20.

(Djelokrug rada)

- (1) Upravni odbor radi i odlučuje na sjednicama.
- (2) Upravni odbor donosi:
  - a) Statut Opće bolnice uz saglasnost Osnivača,
  - b) Imenuje i razriješava direktora odnosno v.d. direktora Opće bolnice,
  - c) Utvrđuje planove rada i razvoja Opće bolnice,
  - d) Utvrđuje godišnji program rada Opće bolnice,
  - e) Donosi finansijski plan i usvaja godišnji obračun Opće bolnice,
  - f) Donosi Pravilnik o radu, unutrašnjoj organizaciji i sistematizaciji radnih mjesta i druge opće akte u skladu sa Zakonom i ovim Statutom,
  - g) Odlučuje o svim pitanjima obavljanja djelatnosti radi kojih je Opća bolnica osnovana, ako Zakonom nije određeno da o određenim pitanjima odlučuje drugi organ Opće bolnice,
  - h) Usmjerava, kontroliše i ocjenjuje rad direktora Opće bolnice,
  - i) Rješava sva pitanja odnosa sa Osnivačem,
  - j) Odlučuje o korištenju sredstava preko iznosa od 80.000,00 KM,
  - k) Odgovara Osnivaču za rezultate rada Opće bolnice,
  - l) Odlučuje o prigovoru zaposlenika na rješenje kojim je drugi organ, određen Statutom, odlučio o pravu, obavezi i odgovornosti zaposlenika iz radnog odnosa,
  - m) Podnosi Osnivaču najmanje jedanput godišnje izvještaj o poslovanju Opće bolnice,
  - n) Obavlja i druge poslove u skladu sa Zakonom i Statutom Opće bolnice.
- (3) Predsjednik Upravnog odbora saziva sjednice Upravnog odbora, rukovodi istim i obavlja druge poslove na način i u skladu sa Poslovníkom o radu Upravnog odbora.
- (4) U radu Upravnog odbora sudjeluje, bez prava odlučivanja, direktor, a po potrebi, predsjednik Stručnog vijeća, te predstavnik Sindikata.
- (5) Za svoj rad Upravni odbor je odgovoran Ministru zdravstva Kantona Sarajevo i Vladi Kantona Sarajevo.
- (6) Način rada Upravnog odbora bliže se reguliše Poslovníkom o radu koji donosi Upravni odbor.

Član 21.

(Direktor)

- (1) Organ rukovođenja u Općoj bolnici je direktor.
- (2) Direktor Opće bolnice organizira i vodi poslovanje Opće bolnice.
- (3) Direktor predstavlja i zastupa Opću bolnicu u zemlji i inostranstvu.
- (4) Direktor preuzima pravne i druge radnje, zastupa Opću bolnicu pred sudovima i drugim organima u okviru prava i odgovornosti koje proizilaze iz djelatnosti Opće bolnice.
- (5) Direktor može dio svojih ovlaštenja za zastupanje prenijeti i na druge ovlaštene osobe putem generalne ili specijalne punomoći. Obim i sadržaj punomoći određuje direktor.
- (6) Direktor odlučuje o korištenju sredstava u iznosu do 80.000,00 KM.
- (7) Direktor je odgovoran za zakonitost rada Opće bolnice.
- (8) Direktor učestvuje u radu Upravnog odbora bez prava odlučivanja.

Član 22.

(Imenovanje direktora)

- (1) Direktor Opće bolnice se imenuje na osnovu javnog oglasa, u skladu sa Zakonom.
- (2) Direktora Opće bolnice imenuje i razriješava Upravni odbor uz prethodnu saglasnost Ministra zdravstva Kantona Sarajevo, na način i u skladu sa zakonom i ovim Statutom.

Član 23.

(Uslovi za imenovanje direktora)

- (1) Za Direktora Opće bolnice može biti imenovano lice koje pored Zakonom propisanih uslova ispunjava i sljedeće posebne uslove:
  - a) završen Medicinski fakultet - VSS,
  - b) specijalizacija iz bolničkih ili kliničkih disciplina,
  - c) najmanje 5 (pet) godina radnog iskustva u struci,
  - d) da posjeduje znanje o zdravstvenom menadžmentu koji dokazuje certifikatom o obavljenoj edukaciji iz zdravstvenog menadžmenta, odnosno završenoj specijalizaciji iz zdravstvenog menadžmenta ili završenom postdiplomskom studiju iz zdravstvenog menadžmenta,
  - e) da posjeduje komunikacijske i organizacijske sposobnosti za timski rad,
  - f) da prezentira program rada i razvoja Opće bolnice u stručnim i ekonomsko finansijskom smislu za mandatni period,
  - g) druge uslove propisane Zakonom o zdravstvenoj zaštiti i ovim Statutom.

Član 24.

(Javni oglas)

- (1) Javni oglas za Direktora Opće bolnice raspisuje Upravni odbor, 2 (dva) mjeseca prije isteka mandata direktora.
- (2) Proceduru javnog oglasa provodi Komisija koju imenuje Upravni odbor.
- (3) Ako Direktor nije imenovan u skladu sa Zakonom u roku od 60 dana od dana isteka oglasnog roka, kao i u drugim slučajevima prestanka mandata Direktora, odluku o postavljanju vršioca dužnosti direktora donosi Upravni odbor Opće bolnice, najduže za period od 6 (šest) mjeseci, u skladu sa Zakonom i ovim Statutom.
- (4) Upravni odbor će bez javnog oglasa imenovati vršioca dužnosti direktora iz reda uposlenika Opće bolnice koji posjeduje specijalizaciju iz bolničkih ili kliničkih disciplina. Vršilac dužnosti Direktora ima sva prava i dužnosti Direktora.

Član 25.

(Informacija učesnika u javnom oglasu)

- (1) O odluci o imenovanju Direktora obavještavaju se svi učesnici u javnom oglasu najkasnije u roku od 8 (osam) dana od dana donošenja odluke.
- (2) Svaki učesnik u javnom oglasu, u roku od 8 (osam) dana od dana prijema obavještenja, može protiv odluke o imenovanju Direktora podnijeti prijedlog za pokretanje postupka pred nadležnim sudom.

Član 26.


(Mandat)

- (1) Mandat direktora Opće bolnice traje 4 (četiri) godine.
- (2) Po isteku mandata isto lice može na osnovu javnog oglasa ponovo biti imenovano za direktora, ali najviše za još jedan mandatni period.

Član 27.

(Obaveze i odgovornosti)

- (1) U ostvarivanju rukovođenja Općom bolnicom direktor obavlja sljedeće poslove:
  - a) organizuje rad i rukovodi radom Opće bolnice,
  - b) zastupa i predstavlja Opću bolnicu u odnosu sa trećim licima,
  - c) predlaže Upravnom odboru mjere za efikasno i zakonito obavljanje djelatnosti Opće bolnice,
  - d) odlučuje o pravima, obavezama i odgovornostima zaposlenika iz radnog odnosa,
  - e) donosi opće akte bolnice u skladu sa Zakonom, a koji nisu u nadležnosti Upravnog odbora,
  - f) predlaže Upravnom odboru donošenje Plana rada i razvoja Opće bolnice i godišnji program rada,
  - g) podnosi Upravnom odboru izvještaj o finansijskom poslovanju i odgovara mu za rezultate rada i finansijsko poslovanje Opće bolnice,



- h) daje naredbe u vezi izvršenja finansijskog plana,
- i) izvršava odluke Upravnog odbora,
- j) imenuje i razrješava rukovodioca organizacionih jedinica i službi,
- k) donosi uputstva za rad,
- l) obavlja i druge poslove u skladu sa Zakonom, ovim Statutom i drugim općim aktima bolnice.

Član 28.

(Razrješenje direktora prije isteka mandata)

- (1) Direktor može biti razriješen i prije isteka mandata na koji je imenovan.
- (2) Upravni odbor je dužan razriješiti direktora i prije isteka vremena, na koji je imenovan, ako:
  - a) direktor to lično zahtjeva
  - b) nastane neki od razloga, koji prema posebnim propisima ili propisima kojima se uređuju radni odnosi dovode do prestanka ugovora o radu
  - c) ne izvršava ugovorne obaveze prema Kantonalnom zavodu zdravstvenog osiguranja
  - d) ne provodi program rada i razvoja Opće bolnice koji je donio Upravni odbor
  - e) u obavljanju djelatnosti Opće bolnice nastane neopravdani gubitak
  - f) u svom radu krši propise i opće akte Opće bolnice ili neopravdano ne izvršava odluke Upravnog odbora ili postupuje u suprotnosti sa njima
  - g) svojim nesavjesnim ili nepravilnim radom prouzrokuje Općoj bolnici veću štetu, zanemaruje ili nemarno vrši svoju dužnost tako da su nastale ili mogu nastati veće smetnje u obavljanju djelatnosti Opće bolnice
  - h) nalazom zdravstvene inspekcije se ustanovi povreda propisa i općih akata Opće bolnice ili nepravilnost u radu direktora
- (3) Ako Upravni odbor ne razriješiti direktora iz razloga propisanih u stavu 2. ovog člana u roku od 30 (trideset) dana od dana saznanja za neki od razloga, rješenje o razrješenju direktora donosi Ministar zdravstva Kantona Sarajevo.
- (4) Protiv rješenja iz stava 3. ovog člana nije dopuštena žalba, ali se može pokrenuti upravni spor.
- (5) Upravni odbor mora prije donošenja odluke o razrješenju, obavijestiti direktora o razlozima za razrješenje i dati mu mogućnost da se o njoj pismeno izjasni.
- (6) Vlada Kantona Sarajevo će razriješiti direktora Opće bolnice i prije isteka mandata u slučaju da Skupština Kantona Sarajevo ne usvoji godišnji izvještaj o radu i finansijskom poslovanju Bolnice.

Član 29.

(Vanredne okolnosti opasne po život i zdravlje ljudi)

- (1) U vanrednim okolnostima ako je ugrožen proces pružanja zdravstvene zaštite ili postoji neposredna opasnost po život i zdravlje ljudi, direktor je dužan obavijestiti Ministra i Zavod zdravstvenog osiguranja Kantona Sarajevo.

Član 30.

(Nadzorni odbor)

- (1) Organ kontrole poslovanja u Općoj bolnici je Nadzorni odbor.
- (2) Nadzorni odbor ima 3 (tri) člana od kojih se dva člana imenuju iz reda Osnivača, a 1 (jedan) iz reda stručnih radnika zaposlenih u Općoj bolnici.
- (3) Predsjednika i članove Nadzornog odbora imenuje i razrješava Vlada Kantona Sarajevo na prijedlog Ministra zdravstva Kantona Sarajevo, uz ravnopravnu zastupljenost oba spola, na način i u skladu sa Zakonom.
- (4) Predsjednik i članovi Nadzornog odbora imenuju se i razrješavaju po proceduri u skladu sa Zakonom o ministarskim, vladinim i drugim imenovanjima Federacije BiH ("Službene novine Federacije BiH", br. 12/03, 34/03 i 65/13)".
- (5) Mandat predsjednika i članova Nadzornog odbora traje 4 (četiri) godine sa mogućnošću ponovnog izbora.

- (6) Način izbora, opoziva i mandat predsjednika i članova Nadzornog odbora vrši se u skladu sa propisima o ustanovama.

Član 31.

(Djelokrug rada)

- (1) Nadzorni odbor obavlja sljedeće poslove:
  - a) analizira izvještaj o poslovanju Opće bolnice,
  - b) vrši nadzor nad upotrebom sredstava za rad,
  - c) pregleda godišnji izvještaj o poslovanju i godišnji obračun,
  - d) pregleda i provjerava urednost i zakonitost vođenja poslovnih knjiga,
  - e) izvještava Osnivača, Upravni odbor i direktora o rezultatima nadzora.

Član 32.

(Razrješenje predsjednika i članova Nadzornog odbora)

- (1) Vlada Kantona Sarajevo će razriješiti predsjednika, člana odnosno članove Nadzornog odbora i prije isteka vremena za koji su imenovani, u sljedećim slučajevima:
  - a) na njegov lični zahtjev,
  - b) ako se utvrdi da je odgovoran za neuspješan ili nezakonit rad Opće bolnice,
  - c) ukoliko ne izvršava svoje Zakonom, Statutom, odnosno drugim općim aktom utvrđene obaveze, ili ne izvršava odluke Osnivača ili postupuje u suprotnosti sa njima,
  - d) u slučaju da Skupština Kantona Sarajevo ne usvoji godišnji izvještaj o radu i finansijskom poslovanju Bolnice,
  - e) ako članu Nadzornog odbora koji je imenovan iz reda radnika Javne ustanove Opća bolnica "Prim. dr Abdulah Nakaš", prestane radni odnos u ustanovi,
  - f) ako nesavjesno, odnosno nemarno obavlja poslove iz nadležnosti predsjednika ili člana Nadzornog odbora,
  - g) u drugim slučajevima utvrđenim Zakonom i Statutom.
- (2) U slučaju da dođe do prijevremenog razrješenja Nadzornog odbora, Vlada Kantona Sarajevo će istovremeno imenovati v.d. predsjednika i v.d. članove Nadzornog odbora na kraći period, najviše dva mjeseca, dok se ne provede zakonska procedura imenovanja.

VI DRUGI ORGANI BOLNICE

Član 33.


(Stručno vijeće)

- (1) Stručno vijeće Opće bolnice je savjetodavni organ direktora Opće bolnice.
- (2) Stručno vijeće imenuje direktor Opće bolnice na prijedlog rukovodioca organizacionih jedinica, a uz ravnopravnu zastupljenost oba spola.
- (3) Stručno vijeće se imenuje na period od 4 (četiri) godine.
- (4) Način rada i odlučivanja Stručnog vijeća utvrđuje se Poslovnikom o radu na koji saglasnost daje direktor Opće bolnice.

Član 34.

(Djelokrug rada)

- (1) Stručno vijeće obavlja sljedeće poslove:
  - a) raspravlja i odlučuje o pitanjima iz oblasti stručnog rada Opće bolnice
  - b) predlaže stručna rješenja u sklopu djelatnosti Opće bolnice
  - c) predlaže stručne osnove za program rada i razvoja Opće bolnice
  - d) predlaže mjere za unapređenje kvalitete i sigurnosti rada u Općoj bolnici
  - e) daje Upravnom odboru i direktoru mišljenja i prijedloge u pogledu organizacije rada i uvjeta za razvoj zdravstvene djelatnosti u skladu sa finansijskim mogućnostima
  - f) predlaže specijalističko usavršavanje zdravstvenih radnika i zdravstvenih saradnika za potrebe Opće bolnice
  - g) predlaže Upravnom odboru obavljanje dopunskog rada zdravstvenih radnika u slučajevima od posebnog interesa za građane i rad Opće bolnice
  - h) brine se o provedbi unutrašnjeg nadzora nad stručnim radom zdravstvenih radnika i zdravstvenih saradnika Opće bolnice



- i) obavlja i druge poslove u skladu sa Zakonom i ovim Statutom.

Član 35.

(Etički komitet)

- (1) Etički komitet Opće bolnice je organ koji osigurava obavljanje djelatnosti Opće bolnice na načelima etike i medicinske deontologije.
- (2) Upravni odbor na prijedlog direktora Opće bolnice imenuje Etički komitet.
- (3) Etički komitet se imenuje na period od 4 (četiri) godine.
- (4) Etički komitet sačinjava 9 (devet) članova od kojih se najmanje 1 (jedan) član imenuje od predstavnika nemedicinske struke, a najmanje 2 (dva) člana od predstavnika koji nisu uposlenici Opće bolnice, uz ravnopravnu zastupljenost oba spola.
- (5) Visinu naknade za rad Etičkog komiteta određuje direktor, a isplaćuje se iz sredstava Opće bolnice.
- (6) Način rada Etičkog komiteta bliže se reguliše Poslovnikom o radu.

Član 36.

(Djelokrug rada)

- (1) Etički komitet Opće bolnice obavlja sljedeće poslove:
  - a) prati primjenu etike i medicinske deontologije u obavljanju djelatnosti Opće bolnice,
  - b) daje saglasnost za provođenje medicinskih i naučnih ispitivanja, kao i kliničkih ispitivanja lijekova i medicinskih sredstava u Općoj bolnici,
  - c) bavi se analizom i prijedlozima propisa iz oblasti zdravstva sa aspekta etike i medicinske deontologije na unapređenju stanja u ovoj oblasti u skladu sa Zakonom o pravima, obavezama i odgovornostima pacijenata,
  - d) saraduje sa nadležnim komorama iz oblasti zdravstva,
  - e) rješava i druga etička pitanja u obavljanju djelatnosti Opće bolnice.

Član 37.

(Komisija za lijekove)

- (1) Komisiju za lijekove imenuje Upravni odbor na prijedlog direktora Opće bolnice.
- (2) Komisiju za lijekove sačinjava 7 (sedam) članova koji se imenuju iz reda specijalista medicine, farmacije, uz ravnornu zastupljenost oba spola.
- (3) Komisija za lijekove se imenuje na period od 4 (četiri) godine.
- (4) Visinu naknade za rad Komisije za lijekove određuje direktor, a isplaćuje se iz sredstava Opće bolnice.
- (5) Način rada Komisije za lijekove bliže se reguliše Poslovnikom o radu.

Član 38.

(Djelokrug rada)

- (1) Komisija za lijekove je dužna da osigura provedbu:
  - a) svih aktivnosti vezanih uz primjenu lijekova i medicinskih sredstava,
  - b) praćenja i poduzimanja mjera za izbjegavanje smanjivanja nuspojava i medicinskih sredstava kao i koordiniranje aktivnosti u vezi sa prijavom nuspojava lijekova i medicinskih sredstava nadležnom državnom organu sa propisom o lijekovima i medicinskim sredstvima,
  - c) predlaganja liste lijekova i medicinskih sredstava koji se primjenjuju u Općoj bolnici u skladu sa Zakonom,
  - d) praćenja potrošnje lijekova i medicinskih proizvoda, te predlaganja mjera za racionalnu upotrebu lijekova i medicinskih sredstava u Općoj bolnici,
  - e) poduzimanja mjera sa ciljem izbjegavanja interakcija, terapijskog dupliranja ili pojave alergije kod upotrebe lijekova u Općoj bolnici,
  - f) pripremanja tenderske dokumentacije u postupcima javnih nabavki lijekova i medicinskih sredstava,
  - g) i drugih poslova u skladu sa Zakonom o zdravstvenoj zaštiti i Zakonom o lijekovima i medicinskim sredstvima.

Član 39.

(Komisija za poboljšanje kvaliteta i sigurnosti zdravstvenih usluga)

- (1) Komisija za poboljšanje kvaliteta i sigurnosti zdravstvenih usluga imenuje se iz reda, zdravstvenih radnika i zdravstvenih saradnika Opće bolnice.
- (2) Komisiju imenuje direktor na prijedlog Stručnog vijeća.
- (3) Komisija se imenuje na period od 4 (četiri) godine.
- (4) Komisiju sačinjava 9 (devet) članova uz ravnopravnu zastupljenost oba spola.
- (5) Poslovnikom o radu Komisije bliže se uređuje način rada i odlučivanja Komisije, te druga pitanja od značaja za rad Komisije.

Član 40.

(Djelokrug rada)

- (1) Komisija za poboljšanje kvaliteta i sigurnosti zdravstvenih usluga obavlja poslove i zadatke u pogledu:
  - a) uspostavljanja sistema poboljšanja i sigurnosti zdravstvenih usluga,
  - b) pribavljanja relevantnih podataka i informacija potrebnih za unutrašnju i vanjsku provjeru kvaliteta i sigurnosti zdravstvenih usluga,
  - c) izvršavanja unutrašnje provjere kvaliteta i sigurnosti zdravstvenih usluga na osnovu općeg akta bolnice,
  - d) analizira i ocjenjuje primjenu predloženih mjera za poboljšanje kvaliteta zdravstvenih usluga,
  - e) učestvovanja kod zdravstveno-inspekcijskog nadzora i izjašnjavanja o nalazu zdravstvenog farmaceutskog inspektora,
  - f) učestvovanja kod vanjske provjere kvaliteta i sigurnosti zdravstvenih usluga u bolnici,
  - g) saradnje sa Agencijom, komisijama drugih zdravstvenih ustanova i drugim ustanovama iz ove oblasti,
  - h) saradnje sa Komisijom za prigovore pacijenata, uvezivanja podatka o prigovorima pacijenata sa podacima o incidentima i sudskim postupcima u cilju upravljanja kliničkim i nekliničkim rizicima,
  - i) praćenja, razmatranja i predlaganja mjera za unaprijeđenje zaštite prava pacijenata na osnovu unutrašnje provjere kvalitete i bezbjednosti zdravstvenih usluga koji su propisani odgovarajućim akreditacijskim standardima i kriterijima,
  - j) obavlja i druge poslove iz odredbi Zakona o sistemu poboljšanja kvaliteta, sigurnosti o akreditaciji u zdravstvu i propisa donijetih na osnovu ovog Zakona.

Član 41.


(Komisija za prigovore pacijenata)

- (1) U Općoj bolnici se radi osiguranja primjene i praćenja poštivanja prava pacijenata imenuje Komisija za prigovore pacijenata.
- (2) Komisiju imenuje direktor i sačinjava je 7 (sedam) članova uz ravnopravnu zastupljenost oba spola.
- (3) Komisija se imenuje na period od 4 (četiri) godine.

Član 42.

(Djelokrug rada)

- (1) Komisija za prigovore pacijenata obavlja sljedeće poslove:
  - a) blagovremeno razmatra prigovore pacijenata i sačinjava izjašnjenja na izjavljene prigovore za direktora Opće bolnice,
  - b) vodi evidencije o vrstama i učestalosti prigovora po organizacionim jedinicama na nivou Opće bolnice,
  - c) analizira statistiku prigovora i izvlači pouke za praksu,
  - d) prati aktivnosti na unapređenju zaštite i poštivanja prava pacijenata na nivou Opće bolnice kao rezultat prigovora,
  - e) analizira pohvale i sugestije pacijenata s ciljem da se postojeća dobra praksa još više afirmiše i razmjenjuje između organizacionih jedinica Opće bolnice,
  - f) obavlja i druge poslove u skladu sa općim aktom bolnice.
- (2) Način rada i odlučivanja Komisije uređuje se Poslovnikom o radu.



Član 43.

(Komisija za dopunski rad)

- (1) Dopunski rad zdravstvenim radnicima se odobrava u skladu sa važećim zakonskim i podzakonskim aktima.
- (2) Komisiju za dopunski rad imenuje Direktor Opće bolnice i sačinjava je 5 (pet) članova uz ravnopravnu zastupljenost oba spola.
- (3) Komisija se imenuje na period od 4 (četiri) godine.
- (4) Visinu naknade za rad Komisije za dopunski rad određuje direktor, a isplaćuje se iz sredstava Opće bolnice.
- (5) Organizacija i način rada kao i način glasanja Komisije bliže se uređuje Poslovnikom o radu.
- (6) Poslovnik o radu podliježe saglasnosti direktora.

Član 44.

(Djelokrug rada)

- (1) Komisija za dopunski rad obavlja sljedeće poslove:
  - a) na osnovu podnijetog dokumentiranog zahtjeva zdravstvenog radnika koji ispunjava uslove za obavljanje dopuskog rada u skladu sa Zakonom o zdravstvenoj zaštiti ("Službene novine Federacije BiH", br. 46/10 i 75/13) i Pravilnikom o načinu, postupku i uvjetima kao i drugim pitanjima od značaja za organiziranje i obavljanje dopuskog rada zdravstvenih radnika u zdravstvenoj ustanovi ili privatnoj praksi ("Službene novine Federacije BiH broj 60/12)" analizira dostavljenu dokumentaciju i izdaje mišljenje o opravdanosti odobravanja obavljanja dopuskog rada zdravstvenom radniku ili donosi mišljenje o neosnovanosti obavljanja dopuskog rada,
  - b) donosi mišljenje u roku od 15 (petnaest) dana od dana uredno primljenog dokumentiranog zahtjeva i dostavlja ga direktoru koji odobrava obavljanje dopuskog rada zdravstvenom radniku,
  - c) vodi evidenciju o izdatim mišljenjima.

Član 45.

(Formiranje Stalnih i Povremenih komisija Opće bolnice)

- (1) Za praćenje i sprovođenje utvrđene politike Opće bolnice, kao i za proučavanje i razmatranje određenih stručnih pitanja u okviru djelatnosti Opće bolnice, Upravni odbor odnosno direktor Opće bolnice imenuje stalne i povremene komisije.
- (2) Sastav, način izbora i djelokrug rada komisija iz prethodnog stava, utvrđuje direktor Opće bolnice posebnim aktom ako Federalnim zakonom ili drugim propisima nije drugačije određeno.
- (3) Za obavljanje povremenih poslova iz djelokruga rada, direktor Opće bolnice može ukoliko se za tim ukaže potreba imenovati povremene komisije.

VII DONOŠENJE STATUTA I DRUGIH OPĆIH AKATA

Član 46.

(Statut i Opći akti bolnice)

- (1) Statut je osnovni opći akt bolnice.
- (2) Statut donosi Upravni odbor uz saglasnost Osnivača.
- (3) Upravni odbor donosi i sljedeće opće akte:
  - a. Pravilnik o radu, unutrašnjoj organizaciji i sistematizaciji radnih mjesta
  - b. Pravilnik o postupku nabavke roba, vršenju usluga i ustupanju radova
  - c. Poslovnik o radu Upravnog odbora
  - d. Druga opća akta utvrđena zakonskim propisima
- (4) Akte koji nisu u nadležnosti Upravnog odbora donosi direktor bolnice.

Član 47.

(Saglasnost na opća akta)

- (1) Saglasnost na Pravilnik o radu, unutrašnjoj organizaciji i sistematizaciji radnih mjesta daje Ministar zdravstva Kantona Sarajevo.

VIII NADZOR

Član 48.

(Nadzor nad zakonitošću rada bolnice)

- (1) Nadzor nad zakonitošću rada Opće bolnice vrši Ministarstvo zdravstva Kantona Sarajevo u okviru svoje nadležnosti.
- (2) Nadzor nad radom bolnice i radom zdravstvenih radnika bolnice obuhvata:
  - a) unutrašnji nadzor,
  - b) zdravstveno-inspekcijski nadzor.

Član 49.

(Unutrašnji nadzor)

- (1) Opća bolnica provodi unutrašnji nadzor nad stručnim radom svojih organizacionih jedinica i zaposlenika bolnice.
- (2) Za stručni rad zdravstvenih radnika odgovorni su šefovi organizacionih jedinica
- (3) Za stručni rad Opće bolnice odgovoran je direktor.

Član 50.

(Zdravstveno-inspekcijski nadzor)

- (1) Zdravstveno-inspekcijski nadzor primjenom i izvršavanjem zakona, drugih propisa i općih akata u djelatnosti zdravstva kao i nadzor nad stručnim radom Opće bolnice, zdravstvenih radnika bolnice vrši Kantonalna uprava za inspekcijske nadzore.

IX POSLOVNA I PROFESIONALNA TAJNA

Član 51.


(Definicija)

- (1) U interesu čuvanja sigurnosti i uspješnog poslovanja, pojedini podaci o poslovanju, razvoju i odnosima u Općoj bolnici predstavljaju poslovnu i profesionalnu tajnu i mogu se saopštiti trećim osobama samo na način propisan Zakonom, ovim Statutom i drugim općim aktima.
- (2) Poslovnom i profesionalnom tajnom smatraju se one isprave i tajni podaci koje Opća bolnica odredi općim aktom.
- (3) Tajni podaci smatrat će se naročito isprave i podaci iz djelatnosti Opće bolnice čije bi saopštavanje nepoznatoj osobi zbog prirode, značaja i karaktera tih podataka bilo protivno interesima bolnice.
- (4) Poslovnom i profesionalnom tajnom ne mogu se proglasiti isprave i podaci čije saopštavanje nije protivno načelu javnosti rada bolnice.

Član 52.

(Dužnost čuvanja poslovne i profesionalne tajne)

- (1) Zaposlenici Opće bolnice, Upravni odbor, direktor i druga tijela u bolnici su dužni čuvati poslovnu i profesionalnu tajnu.
- (2) Podaci i dokumenti koji čine poslovnu i profesionalnu tajnu Opće bolnice, saopštiti će se zaposlenicima uz napomenu da su to tajni podaci i uz pismenu potvrdu da su na to upozoreni.
- (3) Kada se podaci koji su poslovna i profesionalna tajna, iznose na sjednicama organa bolnice, direktor je dužan upozoriti da su to tajni podaci, te da se ne mogu unositi u zapisnik i dalje prenositi.
- (4) Isprave i podatke, za koje se općim aktom odrede da predstavljaju poslovnu i profesionalnu tajnu, mogu drugim osobama saopštiti zaposlenici bolnice određeni tim aktom.
- (5) Općim aktom odnosno odlukom određuje se koji organ odnosno zaposlenik ima uvid u poslovne i profesionalne tajne, te ko je odgovoran za njihovo čuvanje i saopštavanje.
- (6) Dužnost čuvanja poslovne i profesionalne tajne ne prestaje prestankom radnog odnosa ili funkcije u bolnici.
- (7) Povreda poslovne i profesionalne tajne je teška povreda radne obaveze, a u određenim okolnostima je i krivično djelo.
- (8) Bliže odredbe o poslovnoj i profesionalnoj tajni i tajnim podacima, način čuvanja i zaštite uređuje se općim aktom bolnice koji donosi direktor bolnice.



**X PRIJELAZNE I ZAVRŠNE ODREDBE**

**Član 53.**

(Primjena akata)

- (1) Do donošenja akata neophodnih za sprovođenje Statuta, primjenjivat će se odgovarajući akti koji su na snazi i u primjeni.

**Član 54.**

- (1) Postojeći opšti akti uskladit će se sa odredbama ovog Statuta u roku od 6 (šest) mjeseci od dana stupanja na snagu ovog Statuta.

**Član 55.**

(Donošenje i tumačenje Statuta)

- (1) Upravni odbor donosi Statut kao i njegove izmjene i dopune uz saglasnost Osnivača.  
(2) Tumačenje Statuta vrši Upravni odbor u okviru svoje nadležnosti.

**Član 56.**

(Stupanje na snagu)

- (1) Danom stupanja na snagu ovog Statuta, prestaje da se primjenjuje Statut Javne ustanove Opća bolnica "Prim. dr. Abdulah Nakaš" broj 6003/08 od 06.11.2008. godine.  
(2) Ovaj Statut stupa na snagu danom dobivanja saglasnosti od strane Skupštine Kantona Sarajevo.

Broj 190-1/14  
23. januara 2014. godine  
Sarajevo

Predsjednik  
Upravnog odbora  
Doc. dr. sci. **Halid Ganija**, s. r.

**Vlada Kantona Sarajevo**

Na osnovu člana 22. i 24. stav (2) Zakona o Vladi Kantona Sarajevo ("Službene novine Kantona Sarajevo", broj 24/03 - Prečišćeni tekst i 38/13) i tačke II Odluke o uslovima i načinu rješavanja stambenog pitanja mladih putem zakupa uz obavezu kupoprodaje stana ("Službene novine Kantona Sarajevo", broj 10/14), Vlada Kantona Sarajevo, na 61. sjednici održanoj 08.04.2014. godine, donijela je

**ODLUKU**

**O KATEGORIJI LICA, USLOVIMA I KRITERIJIMA ZA RJEŠAVANJE STAMBENOG PITANJA MLADIH PUTE M ZAKUPA UZ OBAVEZU KUPOPRODAJE STANA**

**I**

(Predmet Odluke)

Odlukom o kategoriji lica, uslovima i kriterijima za rješavanje stambenog pitanja mladih putem zakupa uz obavezu kupoprodaje stana (u daljem tekstu: Odluka) propisuje se kategorija lica, uslovi, kriteriji za utvrđivanje rang liste, postupak podnošenja zahtjeva i utvrđivanja rang liste za rješavanje stambenog pitanja mladih putem zakupa uz obavezu kupoprodaje stana.

**II**

(Značenje pojedinih termina)

Termini upotrijebljeni u ovoj Odluci imaju slijedeća značenja:

- a) "Lice koje nema riješeno stambeno pitanje" - je lice koje samo kao i članovi njegovog porodičnog domaćinstva, osim ako živi kod roditelja, nisu vlasnici stana ili porodične kuće i nisu nosioci stanarskog prava u mjestu rođenja na području Bosne i Hercegovine i teritoriji Kantona Sarajevo,  
b) "Invalidnost" - je invalidnost čiji je procenat utvrđen u skladu sa odredbom člana 18b. Zakona o osnovama socijalne zaštite, zaštite civilnih žrtava rata i zaštite porodice sa djecom ("Službene novine Federacije BiH", broj 36/99, 54/04, 39/06 i 14/09) i odredbama člana 22., a u vezi sa čl. 23.-29. Zakona o penzijskom i invalidskom

osiguranju ("Službene novine Federacije BiH", br. 29/98, 49/00, 32/01, 73/05, 59/06, 4/09 i 55/12),

- c) "Član porodičnog domaćinstva" - je bračni ili vanbračni partner, dijete rođeno u braku ili van braka, usvojenik i drugo lice koje je podnositelj zahtjeva dužan izdržavati, a živi sa imenovanim u zajedničkom domaćinstvu u zadnje tri godine,  
d) "Bračna zajednica" - je zakonom uređena zajednica života žene i muškarca, u smislu člana 6. Porodičnog zakona Federacije Bosne i Hercegovine ("Službene novine Federacije BiH", broj 35/05 i 41/05),  
e) "Vanbračna zajednica" - je zajednica života žene i muškarca koji nisu u braku ili vanbračnoj zajednici sa drugom osobom, koja traje najmanje tri godine ili kraće ako je u njoj rođeno zajedničko dijete, u smislu člana 3. Porodičnog zakona Federacije Bosne i Hercegovine ("Službene novine Federacije BiH", broj 35/05 i 41/05).

**III**

(Kategorija lica)

Ovom Odlukom stambeno pitanje rješavaju građani Kantona Sarajevo od punoljetstva do 40 godina starosti.

**IV**

(Uslovi za rješavanje stambenog pitanja putem kupovine stana pod povoljnijim uslovima)

- (1) Uslove koje kandidat za rješavanje stambenog pitanja putem kupovine stana pod povoljnijim uslovima mora ispuniti, su:  
a) da je starosne dobi od punoljetstva do 40 godina,  
b) da je državljanin Bosne i Hercegovine sa prebivalištem na području Kantona Sarajevo u toku posljednje tri godine,  
c) da nema riješeno stambeno pitanje.  
(2) Javne isprave izdate od ovlaštenog organa koje kandidat dostavlja kao dokaz da ispunjava uslove iz stava (1) ove tačke su:  
a) izvod iz matične knjige rođenih,  
b) uvjerenje o državljanstvu,  
c) uvjerenje Ministarstva unutrašnjih poslova o kretanju,  
d) uvjerenje nadležnog suda da kandidat i članovi njegovog porodičnog domaćinstva nisu vlasnici stana ili porodične kuće u mjestu rođenja na području Bosne i Hercegovine i na području Kantona Sarajevo,  
e) potvrda izdata od nadležnog organa (Kantonalni stambeni fond Sarajevo i nadležni organ u mjestu rođenja), da podnositelj zahtjeva i članovi njegovog porodičnog domaćinstva nisu nosioci stanarskog prava na području Kantona Sarajevo i u mjestu rođenja na području Bosne i Hercegovine.

**V**

(Kriteriji za utvrđivanje rang liste)

Kriteriji za određivanje broja bodova i utvrđivanja reda prvenstva kandidata su:

- a) starosna dob,  
b) stepen stručne spreme,  
c) deficitarnost kadrova,  
d) broj članova porodičnog domaćinstva,  
e) boravak na području Bosne i Hercegovine,  
f) stepen invalidnosti,  
g) priznati naučni rad, kulturni nastup i izvložba, sportski i profesionalni uspjeh, te renomirano svjetsko, evropsko i drugo javno priznanje za rezultat u radu,  
h) zajedničko apcliciranje bračnih ili vanbračnih partnera.

**VI**

(Starosna dob kandidata)

Broj bodova koji se dodjeljuje po osnovu kriterija starosna dob kandidata je:

- a) do 30 godina starosti . . . . . 15 bodova,  
b) od 30 do 35 godina starosti . . . . . 10 bodova,  
c) od 35 do 40 godina starosti. . . . . 5 bodova.